

«ՀԱՅԱԲՎԵ»

ՀԵՏԱԶԳՎԵԼ Է ԼՐԱՄՇԱԿՄԱՆ ՆՊԱՏԱԿՈՎ



«Ժողովուրդ» օրաթերթի փոխանցմամբ Ազգային ժողովի հայաստանյան նախագիծը, որը մտադրվել է ԵՐԶ-նառնության մեջ է դրել ՀՀ ԱԺ «Հայասան» խմբակցությունը՝ համաձայնեցված ՀՀ ԱԺ «Պատիվ ունեն» խմբակցության հետ, վերաբերում է «Հայաբվե» ֆաղափացիական օրենսդրական նախաձեռնության առաջադրած օրակարգային հարցին: «Առաջին անգամ հաջողված նախադեղ ունենալ, երբ ֆաղափացիական նախաձեռնության կարգով ներկայացվում է անհրաժեշտ 50.000 ստորագրություն: 58.000 ֆաղափացիներ միացել են նախաձեռնությանը: Այս նախաձեռնության արժեուրու՜մը նրանում է, որ ազգային կարտոնագույն հարցերին է վերաբերում», - ԱԺ ղեկավար-իրավական հարցերի մասնագետ հանձնաժողովի ղեկավարների 4-ի արտահերթ նիստի ընթացքում ասել է ԱԺ «Հայասան» խմբակցության ֆարսուղար Արծվիկ Մինասյանը: Նա նշել է, որ «Հայաբվե» ֆաղափացիական նախաձեռնության առաջադրած օրակարգային հարցը ֆինանսվել է «Հայասան» խմբակցության՝ նոյեմբերի 24-ին հրավիրած խորհրդարանական լսումների ժամանակ: Արդյունքում նախատեսվել է ՀՀ ֆրեզիական օրենսգրքում լրացումների նախագիծ, որի համաձայն՝ հասույթ գործող ֆրեզիական արարձեղներ են որակվում ՀՀ անուցից Լեռնային Ղարաբաղը որևէ այլ ղեկավար կազմում ճանաչելու ու Հայոց ցեղասպանության ճանաչումից հրաժարվելը կամ դրա վստահությունները նստեցնելը:

ԵԱՀԿ ՄԻ առաջարկած կարգավորումներին, ԼՂ-ում 2023 թվականին տեղի ունեցած իշխանափոխությանը, ԼՂ լուծարման մասին հրամանագրին: Պետական-իրավական հարցերի մշտական հանձնաժողովի նախագահ Վլադիմիր Վարդանյանը հետաքրքրվել է Արծվիկ Մինասյանից, թե ինչու հայտարարությունը չի ձեռնարկվել որպես օրենքի նախագիծ եւ ներկայացվել հանձնաժողովին: «Մի սուբյեկտն ուժ կիրառեց, պատասխան չստացավ, հաջորդ սուբյեկտն ասաց՝ անվտանգության համար պատասխանատու եմ, ուժ կիրառվեց, էլի անպատասխան մնաց: Ինչո՞ւ փաստաթղթում չկա դրա արձանագրումը», - հետաքրքրվել է Վլադիմիր Վարդանյանը: Պատգամավորի հարցին ի պատասխան Արծվիկ Մինասյանը նշել է, որ հայտարարության մեջ պատրաստ են իրացնել առաջարկները: Խոսելով հայտարարությունը նախագծով փոխարինելու առաջարկի մասին՝ Արծվիկ Մինասյանը հայտնել է, որ տպավորություն է, թե սահմանադրական կարտեռագույն սուբյեկտին՝ քաղաքացիներին, ուզում են փոխարինել մեկ պատգամավորով: Խորհրդարանականը նշել է, որ դեմ է նման մոտեցմանն ու տեղեկացրել, որ յուրաքանչյուր կողմ իրացնում է իր իրավունքը: Հայտարարության նախագծի հարակից գեկույցը ներկայացրել է հանձնաժողովի

նախագահ Վլադիմիր Վարդանյանը, որը ողջունել է սահմանադրական ինստիտուտի գործարկումը: Պատգամավորն այն որպես ժողովրդավարական նվաճում է որակել: «Նախագիծն ինքնուրույն բովանդակություն չունի, այն որեւէ եղանակով առարկայական հարց չի ծածկում, որն ընդգրկված է ԱԺ գալիք նիստերի օրակարգում. այն առաջ է քաշվել, որպեսզի հնարավոր լինի լսումներ անցկացնել: Բովանդակային մասով այն արտացոլում է քաղաքացիական օրենսդրական նախաձեռնությունը եւ պարունակում է որոշակի առաջարկներ, որոնք օրենսդրական առանձին քննարկման առարկա կարող են դառնալ», - ասել է Վլադիմիր Վարդանյանն ու առաջարկել արձանագրել, որ հայտարարությունն արդեն իսկ կատարել է իր առաքելությունը, այն է՝ լսումները տեղի են ունեցել: Վլադիմիր Վարդանյանը կոչ է արել հանձնաժողովականներին դեմ քվեարկել հայտարարության նախագծին: Ելույթների ընթացքում պատգամավորներն անդրադարձել են ԼՂ հակամարտությանը, այն լուծելու մասով վարված բանակցություններին: Հնչել են քաղաքական գնահատականներ: Հայտարարության նախագծի հեղինակ Արծվիկ Մինասյանն առաջարկել է հարցի քննարկումը հետաձգել քվեարկության փուլում այն լրամշակելու նպատակով:

նախագծի կմտնի մեկնարկելիք ԱԺ լիազու՜մար նիստերի օրակարգ: Ավելի վաղ «Ժողովուրդ» օրաթերթի հետ գրույցում Հայկ Սարգսյանը վստահություն էր հայտնել, որ իր հեղինակած նախագիծն ընդունվելու է ԱԺ-ում: ԱԳՐԲԵՋԱՆԸ ՉԻ ԱՐՉԱԳԱՆՔԵԼ Արդրեջանը դեռեւս չի արձագանքել Հայաստանի եւ Արդրեջանի միջեւ խաղաղության պայմանագրի վերաբերյալ հայկական կողմի վերջին առաջարկներին: «Ժողովուրդ» օրաթերթի հարդրումամբ լրագրողների հետ ճեպագրույցում այս մասին ասաց արտաքին գործերի փոխնախարար Մաքսիմ Սաֆարյանը: «Երբ պատասխան լինի, կնշենք», - ասաց Սաֆարյանը: Նոյեմբերի 21-ին հայկական կողմը արդրեջանական կողմին է փոխանցել Հայաստանի եւ Արդրեջանի միջեւ խաղաղության պայմանագրի վերաբերյալ իր 6-րդ առաջարկը:

ՔՊ-ԱԿԱՆՆԵՐԸ ՎԻՃԵՑԻՆ

«Ես չեմ կարող կողմ քվեարկել նրան, որ մարդը, մեկ օր անգամ չճանաչելով, գումարով ազատվի բանակից», - դեկտեմբերի 4-ին ԱԺ պաշտպանության եւ անվտանգության հարցերի հանձնաժողովի նիստում հայտարարեց ՔՊ խմբակցության պատգամավոր Վիլեն Գաբրիելյանը՝ անդրադառնալով ՔՊ մեկ այլ պատգամավորի Հայկ Սարգսյանի ներկայացրած նախագծին:

«Փաստացի դուրս է գալիս, որ ծառայությունից խուսափած մարդուն, որը փաստացի դասավորությամբ է զբաղվել, ես պետք է հնարավորություն տամ, որ գումարով իր գործած հանցանքը ներենք: Ցանկացած այլ պարագայում, երբ ծառայում է մեկ ամիս կամ 6 ամիս կամ 1 տարի, ես խնդիր չեմ տեսնում, բայց ոչ մի օր չճանաչելու համար գումար վճարելով քրեական պատասխանատվությունից ազատվելու մեջ ես լուրջ խնդիր եմ տեսնում», - ասաց նա:

Հայկ Սարգսյանը հակադարձեց. «Իմ պարզաբանումներից հետո Դուք պարտավոր կլինեք կողմ քվեարկել այս օրենքին: Դուք կողմ եք քվեարկել համաներման մասին օրենքին, որը 1360 քաղաքացիների հնարավորություն է տվել ոչ մի օր չճանաչելու, ոչ մի դրամ չվճարելով ազատվել քրեական պատասխանատվությունից: Դուք հիմա ասում եք՝ կողմ չեմ քվեարկի, որ քաղաքացիները վճարեն 15 մլն դրամ եւ չճանաչեն: Բազմաթիվ քաղաքացիներ չեն ծառայում բանակում առողջական խնդիրներ ունենալու պատճառով կամ պարտվակով: 2011-2019 թվականների ընթացքում 50 հազար քաղաքացիներ չեն ծառայել բանակում որեւէ դրամ չվճարելով: 2011-2019-ին շուրջ 10 հազար քաղաքացի չի ծառայել բանակում ոչ առողջական, այլ խնդիրներ ունենալու հիմքով: 2265 քաղաքացի չի ծառայել բանակում օտարերկրյա բուհերում ուսանելու արտոնությունով: Ուղարկված բանակում չճանաչելու համար դատապարտվել է բանակում չճանաչածների 1 տոկոսից ավելի քիչը, ավելի ճիշտ՝ հայտնաբերվածների 1 տոկոսից ավելի քիչը: Այսինքն՝ Դուք չեք ուզում, որ այդ քաղաքացիները տան այդ գումարը չճանաչելու դիմաց»:

Վիլեն Գաբրիելյանն անդրդվելի էր. «Պետք է Ձեզ հիասթափեցնեմ. Ձեր ասած համաներումը ընդունել է 7-րդ գումարման ԱԺ-ն, իսկ ես այդ ժամանակ պատգամավոր չեմ եղել եւ, բնականաբար, կողմ չեի կարող քվեարկել այդ նախագծին: Եթե լինեի պատգամավոր, ամեն ինչ կանեի, որ այդ նախագիծը չընդունվեր»:

Ես չեմ կարող պատկերացնել, թե ոնց կարելի է մարդուն, որը խուսափել է պարտադիր զինծառայությունից, ազատենք քրեական պատասխանատվությունից, եւ նա ոչ մի օր չճանաչի»:

Վիլեն Գաբրիելյանը կոչ արեց վերանայել օրենքի նախագծի այդ կետը. «Ինձ համար խնդիրը սկզբունքային է. ես չեմ կարող մարդուն, որը փաստացի գործել է հանցանք, փողով այդ հանցանքի համար նախատեսված պատժից օրինական ազատեմ»:

Ավելի վաղ «Ժողովուրդ» օրաթերթը հայտնել էր, որ ըստ այս օրենքի նախագծի՝ 27-ից 37 տարեկան քաղաքացուն հնարավորություն է տրվում զինվորական ծառայություն անցնել 12 ամիս ժամկետով եւ վճարել 2.5 միլիոն դրամ, զինվորական ծառայություն անցնել 6 ամիս ժամկետով եւ վճարել 5 մլն դրամ, զինվորական ծառայություն անցնել 1 ամիս ժամկետով եւ վճարել 10 մլն դրամ, զինվորական ծառայության փոխարեն վճարել 15 մլն դրամ:

ՕՐՎԱ ԽՃԱՆԿԱՐ

ԴՐԱԿԱՆ ԵԶՐԱԿԱՑՈՒԹՅՈՒՆ ՄՏԱՑԱՎ

«Քաղաքացիական պայմանագիր» խմբակցության պատգամավոր Հայկ Սարգսյանի հեղինակած աղմկահարույց նախագիծը երեկ դրական եզրակացություն ստացավ ԱԺ պաշտպանության եւ անվտանգության հարցերի մշտական հանձնաժողովում:

Խոսքը աղմուկ բարձրացրած այն նախագծի մասին էր, որը հնարավորություն է տալիս 27 տարին լրացած, սակայն պարտադիր զինվորական ծառայություն չանցած քաղաքացիներին ազատվել գործող օրենսդրությամբ սահմանված քրեական պատասխանատվությունից:

Չնայած քննադատություններին՝ ՔՊ-ականները հանձնաժողովում կողմ քվեարկեցին նախագծին:

Հանձնաժողովի անդամ Արմեն Խաչատրյանը, թեեւ հանձնաժողովում կողմ քվեարկեց նախագծին, բայց շեշտեց՝ քննադատություններ շատ են լինելու: Նա-

ԲԱՅԱՅԱՅՏՎԵՑ

ԹՄԲԱՄԻՋՈՑՆԵՐԻ ՇՐՋԱՆԱՌՈՒԹՅՈՒՆՆ ԸՆԴՆՑԱՎՈՐ ԵՂԹԱՆ

«Ժողովուրդ» օրաթերթի փոխանցմամբ՝ բացահայտվել է 2019-2021թթ. ընթացքում բնամիջոցների աղօրհին արտադրության գրավոր հանցավոր խումբ, հանցավոր ճանապարհով ձեռք բերված դրամական միջոցների օրինականացման մեխանիզմը, ինչպես նաև շրջանային մեքենայի 3-ին մեքենայացվել են մեղադրանքներ:

Սասնավորապես՝ ՀՀ քննչական կոմիտեի ՀՀ քննչական գլխավոր վարչության մարդկանց թրաֆիքինգի, անչափահասների սեռական անձեռնմխելիության դեմ ուղղված եւ թմրամիջոցների ապօրինի շրջանառության հանցագործությունների քննչական վարչությունում քննվող քրեական վարույթի շրջանակներում իրականացված քննչական եւ վարույթային մեծածավալ գործողությունների արդյունքում հիմնավորվել է, որ Կոտայքի մարզի Առինջ գյուղի 24-ամյա բնակիչ Վ.Մ.-ն, թմրամիջոցների ապօրինի իրացմամբ զբաղվելու նպատակով 2019-2021թթ. մի խումբ անձանց, այդ թվում՝ Խ.Ֆ.-ի հետ նախնական համաձայնությամբ վերջինիս կողմից «Տելեգրամ» հեռահաղորդակցման հավելվածում ստեղծված եւ կառավարվող «Is2oke», «Is2oke420» եւ «Marā Ežery Market» առցանց խանութ-հարթակներով զբաղվել են առանձնապես խոշոր չափերով թմրամիջոցների շրջանառությամբ՝ դրանում ներգրավվելով նաեւ այլ հանցակիցների, կատարել դերաբաշխում:

«Ժողովուրդ» օրաթերթի տեղեկություններով՝ պարզվել են հանցավոր շղթայում ներգրավված եւս երկու մասնակցի ինքնությունը, որոնցից մեկը Երեւան քաղաքի 25-ամյա բնակիչ Հ.Յ.-ն է, մյուսը՝ Երեւան քաղաքի 27-ամյա բնակիչ Գ.Ա.-ն:

Վերջիններս, 2021թ. օգոստոսից ներգրավվելով հանցավոր խմբավորման կազմում, ՆՉՎԾ գործունեությամբ զբաղվող Խ.Ֆ.-ի եւ այլ անձանց հետ նախնական



համաձայնությամբ վերջիններիս կողմից ստեղծված եւ կառավարվող տեղեգրամիջոցների միջոցով տեւական ժամանակ զբաղվել են առանձնապես խոշոր չափերով թմրամիջոցների ապօրինի շրջանառությամբ՝ կատարելով դրանց տեղափոխում, ըստ քաջերի առանձնացում, փաթեթավորում եւ ՀՀ տարածքում տեղադրում, թմրամիջոցների գտնվելու վայրերի լուսանկարահանում եւ ծրագրային հավելվածի միջոցով դրանց գտնվելու վայրերի կորդինատների Նշում, որի համար թմրամիջոցների վաճառքից ստացված գումարներից, որպես իրենց մասնաբաժին, յուրաքանչյուր տեղադրման համար ստացել են գումար:

Վ.Մ.-ն պարբերաբար կառավարել է վերը ՆՉՎԾ տեղեգրամիջոցի խանութ-հարթակները՝ թմրամիջոցների արժեքի եւ

ծեռք բերման պայմանների շուրջ նամակագրություններ վարելով ՆՉՎԾ խանութ-հարթակների միջոցով թմրամիջոց ձեռք բերելու ցանկություն հայտնաբերած անձանց հետ, որոնց հետ համաձայնության գալուց հետո թմրամիջոցի համապատասխան չափաբաժնի արժեքը կազմող գումարը պահանջվել է փոխանցել Խ.Ֆ.-ի եւ հանցակիցների կողմից կառավարվող «Qivi», «Omoney» համակարգի, ինչպես նաեւ ՀՀ եւ օտարերկրյա այլ էլեկտրոնային դրամապանակներին:

Ձեռք բերված փաստերի հիման վրա՝ Վ.Մ.-ին մեղադրանք է ներկայացվել իրացնելու նպատակով առանձնապես խոշոր չափերով թմրամիջոցների ապօրինի շրջանառության, առանձնապես խոշոր չափերով փողերի լվացման համար:

Ավելին՝ իրավապահները մտել են էրեբունի վարչական շրջան եւ անչափահասների եւ տանում բաժիններ՝ հարցաքննություն:

ՓՈՐՁԵԼ Ե ԻՆՔՆԱՍՊԱՆ ԼԻՆԵԼ

Դեկտեմբերի 3-ին ինքնասպանության փորձ է տեղի ունեցել Արտաշատի ԴՄԻՏՐՈՎ գյուղի գերեզմանատներից մեկում: «Ժողովուրդ» օրաթերթին հայտնի դարձավ, որ 32-ամյա բնակիչը գյուղի գերեզմանատան մոտ խմել է մեծ քանակությամբ դեղահաբ՝ փորձելով այդպես վերջ տալ իր կյանքին: «Ժողովուրդ» օրաթերթին հայտնի դարձավ, որ ՆՉՎԾ գերեզմանատան մոտ քաղաքացիներ են եղել, որոնք քաղաքացու վիճակը տեսնելով՝ շտապօգնություն են հրավիրել ու նրան տեղափոխել են հիվանդանոց:

«Ժողովուրդ» օրաթերթը տեղեկացավ, որ բնակիչ կյանքը փրկել են: Իսկ ինչո՞ւ է տղամարդը գնացել այդ քայլին. իրավապահները պարզել են, որ պարտքերից դրդված է նա փորձել վերջ տալ կյանքին: **ՔՆՍՐ ՍՆՆՈՒԿՅԱՆ**

ՆԱԽԱՔՆՆՈՒԹՅՈՒՆ

93-ԱՄՅԱ ԿԻՆՆ ԸՆԴՆՑԱՎՈՐ ԵՂԹԱՆ

«Ժողովուրդ» օրաթերթի տեղեկություններով՝ ՀՀ քննչական կոմիտեի Լոռու մարզային քննչական վարչության Ստեփանավանի քննչական բաժնում շարունակվում է Լոռի Բերդ համայնքի Ագարակ բնակավայրի տարեց բնակչուհու սպանության դեպքի առթիվ նախաձեռնված քրեական վարույթի նախաքննությունը:

Ավելի վաղ քննչական կոմիտեն հայտնել էր, որ 2023 թվականի դեկտեմբերի 1-ին՝ ժամը 14:40-ին, Լոռու մարզի Լոռի Բերդ համայնքի Ագարակ բնակավայրի 1-ին փողոցի տներից մեկում հայտնաբերվել էր նույն հասցեի 93-ամյա բնակչուհի Ա. Առաքելյանի դին՝ գլխի շրջանում առկա վնասվածքներով:

Քննությամբ տվյալներ էին ձեռք բերվել այն մասին, որ տարեց կնոջը կյանքի հետ անհամատեղելի մարմնական վնասվածքներ է հասցրել նույն համայնքի բնակիչ, 24-ամյա Է.Ա.-ն:

Նախաքննության ընթացքում կատարված անհետաձգելի գործողությունների արդյունքում պարզվել են դեպքի՝ էական նշանակություն ունեցող այլ հանգամանքներ եւս:

Սասնավորապես՝ պարզվել է, որ գտնվելով ալկոհոլի ազդեցության տակ՝ Է. Ա.-ն ուժ երեկոյան նախ այցելել է նախկին ընկերուհու տուն, թակել լուսամուտը, այնուհետեւ տեսնելով, որ նկատել են իրեն՝ չբացահայտվելու նպատակով հեռացել է եւ գնացել հարեւանությամբ գտնվող տարեց կնոջ տան բակ, կտրել տուժողի տան պատուհանի ապակին եւ, խախտելով տանտիրուհու բնակարանի անձեռնմխելիությունը, պատուհանով ապօրինի մուտք է գործել տուն:

Այնուհետեւ մոտեցել է անկողնում պառկած, անօգնական վիճակում գտնվող կնոջը եւ հասկանալով, որ վերջինս ճանաչել է իրեն՝ ապօրինի տուն մտնելու իր հանցագործությունը թաքցնելու նպատակով, կյանքից զրկելու դիտավորությամբ բռունցքով բազմաթիվ հարվածներ է հասցրել Ա. Առաքելյանի գլխի եւ դեմքի շրջանին, որի հետեւանքով կինը մահացել է:

Բացի այդ, քննությամբ նաեւ պարզվել է, որ նախքան կնոջ մահը վրա հասնելը 24-ամյա երիտասարդը տուժողի նկատմամբ կատարել է սեռական բնույթի բռնի գործողություններ:

Ա. Առաքելյանին սպանելուց հետո երիտասարդը տանտիրուհուն պատկանող երկու բջջային հեռախոսները հափշտակել է հեռացել է:

Ձեռքբերված Է.Ա.-ի անձնական խուզարկությամբ հայտնաբերվել էր տուժողին պատկանող բջջային հեռախոսը:

Ձեռք բերված բավարար փաստերի հիման վրա՝ 24-ամյա երիտասարդի նկատմամբ հանրային քրեական հետապնդում է հարուցվել, եւ նրան մեղադրանք է ներկայացվել՝ ՀՀ քրեական օրենսգրքի 155-րդ հոդվածի 2-րդ մասի 13-րդ կետով, 207-րդ հոդվածի 1-ին մասով եւ 254-րդ հոդվածի 1-ին մասով:

Միջնորդություն է ներկայացվել դատարան՝ վերջինիս նկատմամբ որպես խափանման միջոց կալանավորում կիրառելու վերաբերյալ, որը բավարարվել է:

Նախաքննությունը շարունակվում է:

ՊԱՐԶՎԵՑ

ՎԻՐԱՎՈՐՈՒՄ Ե ՄՏԱՅԵԼ

Երեկ գիշեր հրազենային վիրավորում ստացած զինվորի դեպքից «Ժողովուրդ» օրաթերթին մանրամասներ են հայտնի դարձել: Մասնավորապես՝ զինվորն իրավապահներին հայտնել է, որ զենքի հետ աշխատանք է կատարել ու անզգուշությամբ կրակել է իր վրա: Չնայած զինվորի կողմից հայտնած տեղեկություններին՝ իրավապահները քննություն են կատարում՝ հասկանալու համար՝ որքանով է հավաստի նրա հայտնած տեղեկությունը: Ի դեպ, հարցաքննության ժամանակ զինվորն իրավապահներին հայտնել է, որ բուժվելուց հետո ցանկանում է շարունակել ծառայությունը:

Հիշեցնենք, որ երեկ ՊՆ-ն հայտնեց, որ դեկտեմբերի 4-ին՝ ժամը 02:50-ի սահմաններում, հրազենային վիրավորում է ստացել Հայաստանի Հանրապետության պաշտպանության նախարարության Ն գործարանի զինծառայող Ա. Հ.-ն:

Զինծառայողի առողջական վիճակը գնահատվում է կայուն ծանր: Այս պահի դրությամբ վիրավոր զինծառայողի կյանքին վտանգ չի սպառնում:

Դեպքի հանգամանքներն ամբողջովին պարզելու նպատակով ընթանում է քննություն:

ԻՐԱՎԱՊԱՐԻՆԵՐԸ ԷՐԵՔՈՒՆԻՈՒՄ

Shamshyan.com-ը հայտնել էր, որ դեկտեմբերի 2-ին «Էրեբունի Մոլ»-ի տարածքից դանակահարված անչափահասների են տեղափոխել հիվանդանոց:

«Ժողովուրդ» օրաթերթին դեպքից մանրամասներ են հայտնի դարձել: Մասնավորապես՝ երիտասարդները վիճել են աղջկա համար, որից հետո 16 եւ 15 տարեկան տղաները ծեծի են ենթարկել 15 եւ 19 տարեկան այլ տղաների: Վիճաբանությունն այն աստիճան է թեժացել, որ դանակներ են հանել ու սկսել են վնասել միմյանց: «Ժողովուրդ» օրաթերթին հասած տեղեկությունների համաձայն՝ 15 եւ 19 տարեկան տղաներին դանակի բազմաթիվ հարվածներով արնաշաղախ վիճակով տեղափոխել են հիվանդանոց: Ըստ նախնական տեղեկությունների՝ դանակահարություն կատարած 16-ամյա տղային գտել են, իսկ մյուս անձին իրավապահները դանակի հետ միասին փնտրում են:

● Ըստ ոստիկանության տվյալների՝ դեկտեմբերի 1-ից 4-ը Հայաստանի Հանրապետությունում բացահայտվել է հանցագործության 125 դեպք, որոնցից 8-ը՝ նախկինում կատարված:

ՀԱՍԱՐԱԿՈՒԹՅՈՒՆ

ՄԱՐԶ

ՃԱՆԱՊԱՐՔԸ ԱՎԵՐՎԱԾ Է

Դիլիջանի բնակիչները բողոքել են, որ քաղաքի կենտրոնից համայնքապետարանի եւ քաղաքի մշակույթի տան մոտից դեպի Դիլիջանի հիվանդանոցի թաղամաս իջնող հետիոտնի կարճ ճանապարհը ամիսներ շարունակ քանդված է, դրանից օգտվելու փոխարեն, իրենք ստիպված են լինում օգտվել տաքսիներից: «Ժողովուրդ» օրաթերթը եղավ այդ տարածքում, տեսավ, որ աստիճաններով հետիոտնի ուղին կիսաքանդ է, այն վերնամասում փակված է մաշված անվաղողերով, սակայն Դիլիջանի որոշ բնակիչներ օգտվում են դրանից:

Հենց այդ պահին 12-13 տարեկան մի տղա իջավ աստիճաններով, սայթաքեց, քիչ մնաց ընկնել, սակայն, բարեբախտաբար, չուժեց: Ներքեկից աստիճաններով դեպի վեր դեպի քաղաքի կենտրոն բարձրանալով, մաշված անվաղողերին հասնելով՝ տեսանք, որ հողային մեծ աշխատանքներ կատարելուց, տարածքը քանդելուց հետո շատ նեղիկ կաճան դեռես մնում է քաղաքի կենտրոնից սկիզբ առնող այդ ճանապարհի սկզբում: Այդ նեղ կաճանից օգտվելը վտանգավոր է, քանզի հետիոտնը կարող է գլորվել ներքե: Հայտնվեց այդտեղ մեծ հեռապատ կառուցած, հողային մեծ աշխատանքներ կատարած դիլիջանցի իր բարեկամ տղամարդու հետ, հերկ եղավ նրանց լրագրողի վկայական ներկայացնել: Տարածքում մեծ շինարարություն կատարող դիլիջանցի առաջ, որ այդտեղ շինություններ կառուցելուց հետո ինքը վերականգնելու է հետիոտնի թեք ճանապարհը, այն լուսավորվելու է: Ասացին, որ հողի սեփականատերը՝ շինարարություն կատարողը, Դիլիջանի Մակարյան ազգից է:

Դիլիջանի համայնքապետարանը տարածքի սեփականատիրոջը շինարարության թույլտվություն տալուց առաջ պետք է պայման դնել, որ Դիլիջանի բնակիչներին տասնամյակներ ծառայած հետիոտնի ուղին պետք է անվաս մնար, անխափան գործեր, սակայն Դիլիջանի համայնքի ԶՊ-ական ղեկավար Դավիթ Սարգսյանն այդ գործում թերացել է:

ՎԱՌԵԼԱՓԱՅՏԻ ԽՆԴԻՐ ԿԱ

Տավուշում հաստատվել է Արցախից բռնազաղթած 780 ընտանիք՝ 2970 անձ: Նրանցից շատերը ներկայումս ձմռան վառելիքայտի խնդիր ունեն: «Ժողովուրդ» օրաթերթը Տավուշի մարզպետ Հայկ Ղալումյանին գրավոր հարցրել է, թե մարզում բնակություն հաստատած արցախցի ընտանիքների համար ինչպես է լուծվել ձմռան վառելիքայտի խնդիրը, մարզի 4 անտառատնտեսությունները ընդհանուր առմամբ որքան վառելիքայտ են տվել նրանց, ինչ հիմունքներով:

Մարզպետարանից ստացված պատասխանն անորոշ է՝ տրված վառելիքայտի քանակի մասին տվյալներ չպարունակող այնտեղ նշված է. «Տավուշի մարզում բնակություն հաստատած արցախցի ընտանիքներին, ըստ իրենց դիմումների, անտառատնտեսությունների կողմից տրամադրվել ու տրամադրվում է թափուկներից անվճար վառելիքայտ»:

ՈՍՎԻՆ ՍԱՐԳՅԱՆ
Տավուշ

ՏՎՅԱԼՆԵՐ

ՋԵՐՄՈՒԿԻ ՀՅՈՒՐԱՆՈՑՆԵՐԸ՝ ԱՄԱՆՈՐԻՆ ԸՆԴԱՌԱՋ

Շուտով Ամանոր է: Չնայած վերջին տարիներին տեղի ունեցած խոր և քեթի անող իրադրություններին՝ միևնույնն է, Ամանորը ասոցացվում է բնականի՛ք՝ հարազատների ու մեծերի հետ: Այժմ մարդիկ նախընտրում են երկրից դուրս գնել՝ ծովի ափին, ոմանք գերադասում են հեփիաթային գիշերը նույն ռեստորանում, որոնցին էլ մի քանի օրով ցանկանում են կտրվել իրենց առօրյայից՝ տեղափոխվել հյուրանոցներում: Իսկ ի՞նչ արժե նման հաճույքների սրվելը:

«Ժողովուրդ» օրաթերթը սկսում է շարք, որում պարբերաբար կանոնադաշտ տարբեր հյուրանոցներում, ռեստորաններում Ամանորը նշելու գնի տատանմանը: Դեռես դեկտեմբերի սկիզբն է, սակայն արդեն իսկ Ջերմուկ քաղաքի հյուրանոցներից շատերում ազատ համար գտնելը դժվար է, երբեմն էլ՝ անհնար:

«Ժողովուրդ» օրաթերթը դիմել է տարբեր հյուրանոցներ դեկտեմբերի 31-ը իրենց մոտ անցկացնելու պատրվակով, արդյունքում պարզ է դառնում հետևյալը.

«Jermuk Hotel and Spa» հյուրանոցից տեղեկացրին որ ազատ տեղեր չունեն, սակայն դեկտեմբերի 31-ից հունվարի 3-ը 2 անձի համար նախատեսված ստանդարտ սենյակն արժեք է 500.000 դրամ՝ առանց ամանորյա միջոցառման:

«Grand Hotel Jermuk»-ից մեզ հայտնեցին, որ ազատ տեղեր չունեն, սակայն դեկտեմբերի 31-ից հունվարի 3-ը 2 անձի համար նախատեսված ստանդարտ սենյակն արժեք է 495.000 դրամ՝ ներառյալ ամանորյա միջոցառումը:

«Armenia Wellness and Spa Hotel»-ից դեկտեմբերի 31-ից հունվարի 3-ը առաջարկում են 2 անձի համար նախատեսված ստանդարտ սենյակ՝ 240.000 դրամով՝ ներառյալ ամանորյա միջոցառումը:



«Nairi» հյուրանոցն էլ դեկտեմբերի 31-ից հունվարի 3-ը 1 անձի համար առաջարկեցին 120.000 դրամով ստանդարտ սենյակ՝ ներառյալ տոնական ընթրիքը, հունվարի 2-ին՝ խաշը:

«Moscow health hotel» առողջարանից հայտնեցին, որ դեկտեմբերի 31-ից հունվարի 5-ի համար 2 անձին առաջարկում են 350.000 դրամով ստանդարտ սենյակ՝ ներառյալ ամանորյա գալա համերգ՝ նախատեսված դեկտեմբերի 31-ին եւ հունվարի 1-ին: Հունվարի 2-ին էլ՝ խաշի հյուրասիրություն:

Այսպիսով, չնայած Ջերմուկի՝ հակառակորդի ուշադրության կենտրոնում հայտնվելուն՝ այդուամենայնիվ, առաջատար հյուրանոցները դեռես շարունակում են գերծանրաբեռնված աշխատել ու ընդունել հյուրերի:

ՄԱՐԻԱ ՂԱԶԱՐՅԱՆ


ԱՊՊԱ

ՊԱՅՄԱՆԱԳԻՐԸ ՉԻ ՆԵՐԿԱՅԱՑՆԻ

«Ժողովուրդ» օրաթերթի փոխանցմամբ՝ ԱՊՊԱ դայմանագիր չունենալու համար տուգանքի չափը բաղաձայնների համար կնվազեցվի 75 տոկոսով, եթե բաղաձայնը 24 ժամվա ընթացքում կնքի ԱՊՊԱ դայմանագիրը, հանվում է այդ դայմանագիրը մտնողություններ կայացնելու դաժանքը:

«Ժողովուրդ» օրաթերթի հարցումամբ՝ Վարչական իրավախախտումների վերաբերյալ Հայաստանի Հանրապետության օրենսգրքում փոփոխություն կատարելու նախագիծը ներկայացրել է «Քաղաքացիական պայմանագիր» խմբակցության պատգամավոր Էդուարդ Աղաջանյանը: Ավելի պարզ վարչարարություն նախատեսող նախագիծը պատգամավորը ներկայացրեց ԱԺ պաշտպանության եւ անվտանգության հարցերի մշտական հանձնաժողովի նիստում:

Գործող կարգավորմամբ՝ ՀՀ քաղաքացիները ԱՊՊԱ պայմանագիր չունենալու պարագայում տուգանվում են 100 հազար դրամով, բայց գոյություն ունի խրախուսող նորմ, ըստ որի՝ ԱՊՊԱ պայմանագիր չունենալու հանգամանքը արձանագրելուց հետո՝ 24 ժամվա ընթացքում ԱՊՊԱ պայմանագիր կնքելու եւ դրա մասին ապացույց Ոստիկանություն ներկայացնելու պարագայում քաղաքացիները կարող են 100 հազար դրամի փոխարեն վճարել 25 հազար դրամ, այսինքն՝ ի սկզբանե նախատեսված գումարի 25 տոկոսի չափով:



«Մեր քաղաքացիները, այսինքն, ոչ միայն պարտավոր են մոտակա 24 ժամվա ընթացքում այդ գումարը վճարել, այլ նաեւ պայմանագիրը ներկայացնել կամ Ոստիկանության բաժանմունք, կամ որեւէ պարեկային ծառայողի: Օրենսդրական նախաձեռնությամբ առաջարկվում է այս հավելյալ պարտավորությունը հանել քաղաքացիների վրայից, որովհետեւ այս տեղեկատվությունը հասանելի է Ոստիկանության ծառայությանը»,- ասաց Աղաջանյանը:

75 տոկոսի վճարման պարտականությունից ազատող, խրախուսող նորմը ժամանակին մտել էր ԱԺ պատգամավոր Արմեն Խաչատրյանի օրենսդրական նախաձեռնությամբ: Պատգամավորը նկատել է՝ փոփոխությունը դրական արդյունք է տվել, պայմանագրերի քանակներն ավելացել են այս ընթացքում:

«Ըստ ներկայացված նոր նախագծի՝ քաղաքացուց այլեւս չի պահանջվելու մոտենալ Ոստիկանություն, ներկայացնել ԱՊՊԱ պայմանագիրը որպես ապացույց, որից հետո իր նկատմամբ տուգանքի որոշումը կփոխվի: Ոստիկանությունն օնլայն պետք է հետեւի, տեսնի ու վարույթը կարճի, 100 հազար դրամի փոխարեն 25 հազար դրամ պատասխանատվություն նախատեսի»,- ասաց Խաչատրյանը:

Հավելենք, որ նախագիծը հանձնաժողովում ստացավ դրական եզրակացություն, կքննարկվի խորհրդարանի լիազորմար նիստում:

● Անցած 3 օրվա ընթացքում Հայաստանի Հանրապետությունում արձանագրվել է 28 ՃՏՊ. 4 մարդ զոհվել է, 44-ը՝ ստացել տարբեր աստիճանի մարմնական վնասվածքներ:

ՀԱՅՏԱՐԱՐՈՒԹՅՈՒՆ

ԱՃՈՐՈՒ ՄԱՍԻՆ ԳՐԱՎԱԿՆԵՐԱԿԱՆ ԾԱՆՈՒՄՆԵՐ

ԱճՈՐՈՒԻ ԿԱԳՄԱԿՆԵՐԱԿԱՆ ԾԱՆՈՒՄՆԵՐԻ 2023 թվականին, ժամը 12:00-ին, 33, քաղաք Երևան, Սայաթ-Նովա պողոտա, 40 շենք, 82/31 հասցեում, այսուհետև, կայացվող աճՈՐՈՒԻ յուրաքանչյուր հերթական փուլը կանցկացվի յուրաքանչյուր հաջորդ աշխատանքային օրը, նույն վայրում, նույն ժամին: ԱճՈՐՈՒԻ ավարտը՝ 01.07.2024թ:

ԱճՈՐՈՒԻ կազմակերպիչն է «Բի Ես Թի» ՍՊԸ-ն (այսուհետ՝ Կազմակերպիչ), որն իրականացնելու է հետևյալ լոտերի (այսուհետ՝ Լոտ) բաց աճՈՐՈՒ «հոլանդական» եղանակով:

ԱճՈՐՈՒԻ պայմաններն են.

1. Լոտ՝ 33, Շիրակի մարզ, համայնք Ախուրյան, գյուղ Ախուրյան, Ախուրյանի խնուրի, 20/1 հասցեում գտնվող 30,68 քմ դրամարկը, 18,48 քմ սեղմված գազի կուտակիչներ, 60,69 քմ կոմպրեսորներ, 6 քմ էլեկտրական վահանակ, 78,12 քմ լցասյուններ, 8,3 քմ /14,94 խմ, 55,35 գծամետր/ պարիսպ և 0,29 հա հողամաս,

Լոտի մեկնարկային գինը՝ 48425000 (քառասունութ միլիոն չորս հարյուր քսանհինգ հազար) 33 դրամ:

2. Լոտ՝ 33, Շիրակի մարզ, համայնք Ախուրյան, գյուղ Ախուրյան, 3. Շահբազյան փողոց, 10 հասցեում գտնվող 135,96 քմ բնակելի տուն, 37,8 քմ անասնաշենք, 44,89 քմ մառան և 0,103 հա հողամաս,

Լոտի մեկնարկային գինը՝ 12500000 (տասներկու միլիոն հինգ հարյուր հազար) 33 դրամ:

Միջնորդավճար՝ Լոտի ձեռքբերման գնի 1 տոկոսի չափով (այսուհետ՝ Միջնորդավճար):

ԱճՈՐՈՒԻ մասնակցելու համար անհրաժեշտ է ներկայացնել հետևյալ փաստաթղթերը:

Ֆիզիկական անձի դեպքում՝ անձը հաստատող փաստաթուղթ է Կազմակերպիչի կողմից տրված մասնակցի վկայական (այսուհետ՝ մասնակցի վկայական), որը հաստատելու է նաև նախավճարի մուծման փաստը,

իրավաբանական անձի դեպքում՝ կանոնադրությունը, իրավաբանական անձանց պետական գրանցման վկայականը, պաշտոնատար անձի և կամ ներկայացուցչի անձը հաստատող փաստաթուղթ է լիազորությունները հաստատող փաստաթուղթը, մասնակցի վկայականը:

ԱճՈՐՈՒԻ հաղթող է ճանաչվում այն անձը, ով աճՈՐՈՒԿԱՆ ԼՈՒՆԵՐԻ 3 (երեք) հարվածից առաջ առաջարկել է ամենաբարձր գինը: ԱճՈՐՈՒԻ հաղթող ճանաչված մասնակիցը Լոտի գինը է Միջնորդավճարը վճարում է աճՈՐՈՒԻ կայացման օրվան հաջորդող 2 (երկու) աշխատանքային օրվա ընթացքում՝ հաշվարկներով մուծված նախավճարի գումարը: Սահմանված ժամկետում գնորդի կողմից վճարումներ չկատարելու դեպքում Կազմակերպիչը կարող է աճՈՐՈՒԻ արդյունքները համարել չեղյալ: Կարող են սահմանվել Լոտի գնի վճարման այլ ժամկետներ էլ չափաբաժիններ՝ վաճառողի և գնորդի կողմից համապատասխան փոխհամաձայնությամբ:

ԱճՈՐՈՒԻ մասնակցության նախավճարը կազմում է Լոտի ընթացիկ մեկնարկային գնի 1 (մեկ) տոկոսը, որի վճարման վերջնաժամկետը յուրաքանչյուր աճՈՐՈՒԻ փուլի օրվան նախորդող աշխատանքային օրվա ժամը 16:00-ն է: Նախավճարը վճարվում է անկանխիկ՝ հետևյալ հաշվեհամարին՝ 2470103374150000, կամ Կազմակերպիչի կողմից տրամադրված այլ հաշվեհամարին, իսկ 33 օրենսդրությամբ սահմանված կանխիկի շեմը չզերպակցելու դեպքում այն կարող է նաև վճարվել կանխիկ եղանակով աճՈՐՈՒԻ կայացման հասցեում՝ Կազմակերպիչի դրամարկը: Հարկային գործակալ հանդիսանալու դեպքում աճՈՐՈՒԻ հաղթած մասնակցի կողմից լոտի գնի վճարելու կարգը սահմանվում է վաճառողի հետ՝ փոխհամաձայնեցված ժամկետներում:

Լոտերին կարող էք ծանոթանալ սույն ծանուցման օրվան հաջորդող օրվանից մինչև աճՈՐՈՒԻ բացմանը նախորդող օրը՝ յուրաքանչյուր աշխատանքային օր, ժամը 10:00-ից մինչև 18:00-ն՝ զանգահարելով ստորև նշված հեռախոսահամարին և այցելությունը նախապես համաձայնեցնելով Կազմակերպիչի հետ: ԱճՈՐՈՒԻ կանոնակարգին ծանոթանալու և վերջինիս պատճենն անվճար ստանալու համար դիմել Կազմակերպիչին ստորև նշված հասցե:


Կազմակերպիչը կարող է կատարել սույն ծանուցման փոփոխություններ և լրացումներ, որոնք կարող են իրականացվել այնպես, ինչպես կատարվել է աճՈՐՈՒԻ մասին հրապարակային ծանուցումը: Բոլոր այլ տեղեկությունների համար կարող էք զանգահարել ստորև նշված հեռախոսահամարին կամ այցելել ստորև նշված կայքերը:

Էլ. փոստ՝ llcbst@yahoo.com
հասցե՝ ք. Երևան, Սայաթ-Նովա պողոտա, 40 շենք, 82/31
հեռ.՝ +374 11 56 45 13
կայք՝ www.llcbst.am, www.borsa.am

Team Telecom

ՆՈՐ ՄԵՐՆԴԻ ՑԱՆՑԸ՝ ՄՅՈՒՆԻԻՔՈՒՄ

Հեռուստական, նվիրված ու քիմային աշխատանքի բնորոշվող Team Telecom Armenia-ի 25 գր/վ թողունակությամբ NGN ցանցն արդեն կառուցված է Սյունիքի մարզի բոլոր մեծ քաղաքներում և հասանելի է մարզի շուրջ 21000 սնային սնեսություն:



Առաջնահերթություն տալով համայնքների զարգացմանը՝ Team-ը ենթակառուցվածքի արդիականացումը և ցանցի կառուցումը սկսել է հենց մարզերից: Տարածաշրջանում եզակի այս ցանցի առկայությունը կօգնի տեխնոլոգիական, ֆինանսաբանական և տնտեսության մյուս ճյուղերի զարգացմանը, իսկ անհատներին արագ ու հուսալի կերպով կկապի աշխարհին:

«Յուրաքանչյուր ծրագիր իրականացնելիս մենք ոչ թե մտածում ենք՝ ինչ կտա այն այս պահին, այլ որքան երկար կարող է այդ ծրագրի արդյունքը սպասարկել մեր հայրենակիցներին ու ինչ ընդհանուր օգուտ կտա մեր երկրին: Մեզ համար շատ կարևոր ու խորհրդանշական քայլ էր ժամանակակից այս ենթակառուցվածքի կառուցման աշխատանքներն առաջինն ավարտել Սյունիքի մարզում», - ասում է Team Telecom Armenia-ի գլխավոր տնօրեն Հայկ Եսայանը:

Այս ցանցը նպաստում է նաև մարզաբնակ երիտասարդների համար կրթության հավասար հնարավորությունների ձեռավորմանը: հաշվի առնելով վերջինիս կարևորությունը՝ ընկերությունն այս նոր սերնդի ինտերնետը տրամադրել է Մերոյի նորաբաց «Լոֆթ» երիտասարդական կենտրոնին:

Խոսելով համագործակցության մասին՝ «Լոֆթ» կենտրոնների գլխավոր տնօրեն Արեվիկ Համբարձումյանը նշում է. ««Լոֆթ» կենտրոնը երիտասարդների ոչ ֆորմալ կրթության, ինքնազարգացման և մասնագիտական առաջին քայլերի լավագույն հարթակն է: Գերարագ ինտերնետի առկայությունը լավագույն միջոցն է՝

կրճատելու մարզ-մայրաքաղաք, ինչու չէ, նաև մարզ-աշխարհի տարածությունը: Այն հնարավորություն է տալու մարզաբնակ երիտասարդին՝ լավագույն ոչ ֆորմալ կրթությունը ստանալու»:

Սյունիքի մարզում Team-ի գերարագ, մինչև 25 գր/վ թողունակությամբ NGN ցանցին հնարավոր է միանալ Կապան, Սիսիան, Գորիս, Քաջարան, Մերոյի, Ագարակ քաղաքներում:

Հայաստանի տարածքում այս ցանցն արդեն աշխատում է Ալավերդի, Արթիկ, Արմավիր, Արտաշատ, Բերդ, Բյուրեղավան, Գավառ, Եղվարդ, Իջեան, Զրազդան, Ծամբարակ, Մեծամոր, Զեյնուկ, Սեան, Սիսիան և Վարդենիս մարզային խոշոր քաղաքներում ու մի շարք գյուղերում: Երեւանում այն հասանելի է Դավթաշեն, Արաբկիր, Ավան և Զեյթուն վարչական շրջաններում:

Team Telecom Armenia-ի գերարագ ինտերնետին հնարավոր է միանալ՝ բաժանորդագրվելով Cosmo սակագնային փաթեթներին, որոնք ներառում են մին-

չե 1000 Մբ/վ ինտերնետ, թվային հեռուստատեսություն, ֆիքսված և բջջային կապ:

Team Telecom Armenia-ի մասին

Team Telecom Armenia-ն ՀՀ տարածքում տրամադրում է բջջային և ֆիքսված ինտերնետի, թվային հեռուստատեսության, բջջային և ֆիքսված հեռախոսակապի ծառայություններ: Ընկերությունը առաջին տեղեկումն է, որն իրականացրել է IPO Հայաստանում դառնալով էլ ավելի բաց ու հանրային:

Հանդիսանալով Հայաստանում հեռահաղորդակցության առաջին համակարգի ժառանգորդը՝ Team-ը ժամանակակից տեխնոլոգիաների հետ է համարում առաջին կապի օպերատորի հարուստ փորձը: 2021 թվականից ընկերությունը սկսել է տարածաշրջանում եզակի՝ 25 Գր/վ արագությամբ 25G-PON տեխնոլոգիայով NGN (Next Generation Network) ցանցի կառուցումը, որը կապահովի որակյալ ինտերնետով Հայաստանի բոլոր բնակիչներին:

ԿՍՏԱՆԱՆ ԲԱՂԱՔԱՑԻՈՒԹՅՈՒՆ՝ ԱՌԱՆՑ ԳԻՄՈՒՄԻ

Հայաստանում ծնված՝ քաղաքացիություն չունեցող անձանց երեխաները Հայաստանի Հանրապետության քաղաքացիություն ձեռք բերելու իրավունք կստանան, առանց դիմումի:

«Ժողովուրդ» օրաթերթի հաղորդմամբ՝ ««Հայաստանի Հանրապետության քաղաքացիության մասին» օրենքում լրացումներ են փոփոխություն կատարելու մասին» օրենքի նախագիծը ԱԺ պաշտպանության և անվտանգության հարցերի մշտական հանձնաժողովի նիստում ներկայացրեց Ներքին գործերի նախարարության միգրացիայի և քաղաքացիության ծառայության պետ Արմեն Ղազարյանը:

Նախագծի առաջարկներից մեկը քաղաքացիություն չունեցող անձանց և ապաքաղաքացիության դեմ պայքարի տրամաբանության մեջ է: Այս պահին քննարկվում է քաղաքացիություն չունեցող անձանց մասին առանձին օրենքի ներկայացումը: Մինչև այդ կառավարությունը ներկայացված նախագծով է առաջարկ արել:

«Քաղաքացիություն չունեցող անձանց երեխաների հետ կապված դրույթ ունենք,

որ նրանց մեխանիկորեն տալիս ենք ՀՀ քաղաքացիություն: Կա դիմումի պահ, առաջարկում ենք դիմումի պահանջը հանել, որ օրենքի ուժով այդ երեխաներին ճանաչենք ՀՀ քաղաքացի և դրանով նաև կատարենք 1954թ. ապաքաղաքացիության դեմ պայքարի կոնվենցիայով մեր ստանձնած պարտավորությունները», - ասաց Ղազարյանը:

Նախագծով նաև հստակեցում է արվում, ու օրենքում ֆիքսվում, որ ծնողներից մեկի քաղաքացիության դադարեցման պարագայում միայն կարող է անչափահասի քաղաքացիության դադարեցման վարույթ մեկնարկել: «Պրակտիկայի առումով ոչինչ չի փոխվում: Պարզապես իրավական կազուս կար օրենքի մեջ», - ասաց ծառայության պետը՝ հավելելով, որ պարզապես երկու հոդվածների միջև համապատասխանություն էր առաջացել:

«Քաղաքացիական պայմանագիր» խմբակցության պատգամավոր Հայկ Սարգսյանը հետաքրքրվեց, թե այն դեպքերի մասով, երբ անձինք մինչև զինվորական հաշվառումը իրաժարվում են ՀՀ քաղաքացիությունից, ինչ աշխատանք է տարվում: Ղազարյանը պատասխանեց, որ այդ հարցն իրենց ուշադրության կենտրոնում

է, այս առաջարկն էլ միտված է պատգամավորի մատնանշած խնդրի լուծմանը: Նախագիծը հավանություն ստացավ և դրական եզրակացությամբ կընդգրկվի ԱԺ լիազուստար նիստերի օրակարգ:

ԳՐԱՎԱԿՆԵՐԱԿԱՆ ԾԱՆՈՒՄՆԱՆ ՓՈՓՈՒՄՈՒԹՅՈՒՆ

Կազմակերպիչներ՝ «Բի Ես Թի» ՍՊԸ-ի և «Ֆլորես ԱճՈՐՈՒՄՆԵՐՆԵՐԻ ԲՈՐՍԱ» ՍՊԸ-ի հարթակում իրականացվող բոլոր այն անշարժ գույքերի աճՈՐՈՒՄՆԵՐԸ, որոնց աճՈՐՈՒՄՆԵՐԸ վաճառքի ավարտը սահմանվել էր մինչև 2023թ.ի դեկտեմբերի 29-ը, երկարաձգվում են մինչև 2024թ.ի հուլիսի 1-ը ներառյալ: Լրացուցիչ տեղեկությունների համար զանգահարել (011) 52-61-85 կամ այցելել բորսա՝ ք. Երևան, Սայաթ-Նովա 40, 82/31 հասցե, ժամը 9:30-17:00:

ԳՐԱՎԱԿՆԵՐԱԿԱՆ ԾԱՆՈՒՄՆԱՆ ՓՈՓՈՒՄՈՒԹՅՈՒՆ (2)

Ի փոփոխություն «Բի Ես Թի» ՍՊԸ-ի կողմից ներկայացված «Ժողովուրդ» օրաթերթի 25.05.2022թ. թիվ 74 (2554) համարի 6-րդ էջում տպագրված «Հրապարակային ծանուցման», տեղեկացում էնք, որ «Բի Ես Թի» ՍՊԸ-ի կողմից կազմակերպված, «ՎՊԵԿՏԻ» ՓԲԸ-ին սեփականության իրավունքով պատկանող ՀՀ, ք. Երևան, Աջափնյակ, Աշտարակի խնուրի, թիվ 39 հասցեում գտնվող անշարժ գույքի աճՈՐՈՒՄՆԵՐԸ փուլերը շարունակվելու են 11.12.2023թ.-ից՝ 446391400 ՀՀ դրամ մեկնարկային գնով: ԱճՈՐՈՒԻ ավարտը՝ 01.07.2024թ.:

Բոլոր այլ տեղեկությունների համար կարող էք զանգահարել (011) 56-45-13 հեռախոսահամարով կամ այցելել www.llcbst.am կայք: «Հրապարակային ծանուցման» մյուս դրույթները մտնում են անփոփոխ:

«Ժողովուրդ» օրաթերթում և Armlur.am կայքում գովազդ, հայտարարություն, հաշվետվություն, ծանուցում տեղադրելու համար զանգահարել 094-455-456 հեռախոսահամարով:

ՄՐՅԱՆԱԿԱԲԱՇՆՈՒԹՅՈՒՆ

AAD-ԻՆ ԱՄՓՈՓՈՒՄՆ ՈՒ ՄՐՅԱՆԱԿԱԿԻՐՆԵՐԸ

Գեկեմբերի 1-ին ամենասարբեր ոլորտի ներկայացուցիչներին մի հարկի սակ էր հավաքել AAD (Հայաստան, Արցախ, Միջուր) 14-րդ ամենամյա մրցանակաբաշխությունը կազմակերպած թիմը: Երեկոն իրենց ներկայությամբ դասվել էին սիրված եւ ճանաչված մարդիկ՝ դասերակներ, դասգամալորներ, դերասաններ, լրագրողներ, երգիչներ, մարզիկներ, գործարարներ եւ, իհարկե, հայտնիներ, որոնք իրենց մարմնի մի մասը թողել էին դասերակի դասում՝ հանուն բոլորիս: Գահիճում էին նաեւ մեր հայրենիքի՝ Հայաստանի ու Արցախի համար զոհված հերոսների ծնողներ:



Արդեն 14 տարի է, ինչ մրցանակաբաշխության կազմակերպիչ Մամիկոն Խուրշուդյանը հետեւողական ջանքերով ամփոփում է տարին եւ գնահատական տալիս: Խուրշուդյանի խոսքով՝ միջոցառումը միասնականության կոչ ու հարգանքի տուրք է մեր բոլոր հերոսներին: Մեր գրուցակիցը շեշտեց, որ մենք այսօր նման միջոցառումների պահանջարկ ունենք: Մրցանակաբաշխության սկիզբը դրեց արցախցի 19-ամյա Յայկ Մանգասարյանը Արաբո Իսախրյանի հեղինակային «Տուն իմ հայրենի» երգով: Մրցանակաբաշխության մեկնարկը տրվեց «Տարվա մարդ» անվանակարգով: Արժանի եւ վաստակած տիտղոսը 2023 թվականին կոմայից դուրս եկած եւ վերածնված ժամկետային զին-ծառայող Նարեկ Պողոսյանին էր: Սեպտեմբերի 1-ին Ադրբեյջանի ԶՈՒ հարձակման հետեւանքով Սոթքի հատվածում Նարեկ Պողոսյանի անունը ներառվել էր զոհվածների ցանկում: Նույն օրը, սակայն, գերատեսչությունից հայտնեցին, որ հրաշք է եղել, եւ զինվորի սրտի զարկերը վերականգնվել են: «Տարվա Միջուր» անվանակարգին արժանացան 44-օրյա պատերազմի մասնակից, Հայաստանի ազգային հերոս, կյանքը փառքով հայրենիքին հանձնած Վահագն Ասատրյանը, Մասիս Միջայելյանը, Կարեն Միրզոյանը, վիրավոր հերոս Կարեն Գրիգորյանը, Արամ Ասլանյանը, Համիր Բրոյանը, Միջայել Սարգսյանը: «Հայրենիքի նվիրյալ զավակ» անվանակարգին արժանացան վաստակավոր ջազմեն, ժողովրդական ատիրատ Մալխասը՝ Լեւոն Մալխասյանը, օպերային երգչուհի, ժողովրդական արտիստ Հասմիկ Պապյանը, Մալաթիա-Սեբաստիա վարչական շրջանի ղեկավար Ռոմիկ Մխիթարյանը, Արթուր Դավթյանը

վանակարգին արժանացավ ծանրորդ Գոռ Սահակյանը, որը երեւանում ընթացող ծանրամարտի Եվրոպայի առաջնությունում Հայաստանին առաջին ոսկին էր բերել, վերջերս էլ՝ Մեքսիկայի Գվադալախարա քաղաքում դարձել էրիտասարդների աշխարհի առաջնության չեմպիոն: Հայ երաժշտության ու երգեցողության զարգացման ուղղված աշխատանքների համար հատուկ մրցանակի արժանացավ «Հայկ Հակոբյան» հիմնադրամը: «Տարվա լավագույն երգահան»-ը Անիտա Հախվերդյանն է, «Տարվա լավագույն վոկալի մասնագետ»-ը՝ Անգին Համբարձումյանը, «Տարվա լավագույն ժողովրդական երգիչ»-ը՝ Հարություն Մկրտչյան, իսկ, ահա, «Տարվա լավագույն պատանի երգչուհի»-ն՝ Անահիտ Գաբրիելյանը: «Տարվա լավագույն երաժշտական խումբ» անվանակարգին արժանացավ The Boing Orchestra խումբը: «Տարվա լավագույն կերպարային դերասանուհի»-ն Անատի Սաքանյանն է, «Տարվա լավագույն հումորային դերասան»-ը՝ Արեն Սաֆարյանը, «Տարվա լավագույն սերիալային դերասան»-ը՝ Վահե Մկրտչյանը: «Տարվա լավագույն սերիալային դերասանուհի»-ն էլ է Ասատրյանն էր: «Տարվա լավագույն դերասան» եւ «Տարվա լավագույն դերասանուհի» անվանակարգին էլ արժանացան համապատասխանաբար Աշոտ Տեր-Մաթեոսյանն ու Էվա Խաչատրյանը: «Տարվա լավագույն հեռուստատեսային նախագիծ» անվանակարգին արժանացավ «Սրտի տանիքներով» հաղորդաշարը, հաղորդավարուհի՝ Զնարիկ Զաքարյան: «Տարվա լավագույն հաղորդավարուհի»-ն Նանե Արզումանյանն է, «Տարվա լավագույն լուսանկարիչ»՝ Սարո Դավթյանը: «Տարվա լավագույն բժիշկ»-ը Սեյրան Սահակյանն է, Ազնար Այդինյանը եւ Արմինե Սարգսյանը: Հասարակություն-նստիկանություն կապի ամրապնդման գործում ունեցած ավանդի համար մրցանակի են արժանացել ՀՀ ՆԳՆ ոստիկանության պարեկային ծառայության պետ, ոստիկանության գնդապետ Արթուր Խուրդինյանը, ՀՀ ՆԳՆ ոստիկանության Պարեկային ծառայության Երեւան քաղաքի գնդի 3-րդ գումարտակի հրամանատար Գոռ Առաքելյանն ու ՀՀ ՆԳՆ ոստիկանության Պարեկային ծառայության Երեւան քաղաքի գնդի 2-րդ գումարտակի հրամանատար Արսեն Ստեփանյանը: Այսպիսով, 2023 թվականն ամփոփված է, բոլորիս բարի երթ դեպի 2024 թվական:

ՄԱՐԶԱԿԱՆ

«ԻՆՏԵՐ»-Ը ՀԱՂԹԵԼ Է

Իտալիայի ֆուտբոլի առաջնության 14-րդ տուրի շրջանակներում «Ինտեր»-ը հյուրընկալվել էր «Նապոլի»-ին: «Ժողովուրդ» օրաթերթի հաղորդմամբ՝ միլանյան ակումբին՝ «Ինտեր»-ին, հաջողվեց երեք անպատասխան գնդակ ուղարկել Իտալիայի գործող չեմպիոնի դարպասը: «Ինտեր»-ի կազմում աչքի ընկան Հակոբ Հալիանոսոլուն, Նիկոլո Բարելան եւ Մարկուս Տյուրամը: Հայաստանի ֆուտբոլի ազգային թիմի նախկին ավագ Հենրիխ Մխիթարյանը «Ինտեր»-ի մեկնարկային կազմում էր, սակայն փոխարինվեց 74-րդ րոպեին: Այս տուրից հետո «Ինտեր»-ը շարունակում է գլխավորել Իտալիայի առաջնության մրցաշարային աղյուսակը: «Նապոլի»-ն միայն 5-րդն է:

ՉԱՎԻՆ ՈՒ «ԲԱՐՍԵԼՈՆԱՆ»

Իսպանիայի չեմպիոն «Բարսելոնայի» իսպանացի գլխավոր մարզիչ Զավին մեկնաբանել է 1:0 հաշվով հաղթանակը Մադրիդի «Աթլետիկոյի» նկատմամբ Լա Լիգայի 15-րդ տուրի խաղում: Միայն գոլը խփել էր պորտուգալացի հարձակվող Ժոաու Ֆելիշը, որի տրանսֆերային իրավունքը պատկանում է «Աթլետիկոյին»: «Շատ լավ խաղաց մեր թիմը: Երկրորդ խաղակետում «Աթլետիկոն» որոշակի ճնշում գործադրեց, բայց մենք տեսանք այս մրցաշրջանում «Բարսելոնայի» ամենալիարժեք խաղը: Ժոաու Ֆելիշը հրաշալի խաղաց, լավ էր ընտրում դիրքը: Նա մեր ջոկերն էր: Ֆելիշը երջանակ է, ակտիվ եւ գոհ իր խաղից: Նա շատ խելացի էր գործում: Թիմում նրան հրաշալի են ընդունել: Ֆելիշն ավելի է միավորել թիմը: Ուրախ եմ նրան տեսնել մեր կազմում», - Հավինի խոսքը մեջբերում է AS-ը: «Բարսելոնան» 34 միավորով բարձրացավ երրորդ տեղ, «Աթլետիկոն»՝ նահանջեց չորրորդ տեղ՝ 31 միավոր:

ԾԱՆՐԱՄԱՐՏՆ ՈՒ ՀԱՅԱՍՏԱՆԸ

Հայաստանի 10 ծանրորդ կմասնակցի Քաթարի մայրաքաղաք Դոհայում դեկտեմբերի 4-ին մեկնարկած ծանրամարտի միջազգային ֆեդերացիայի (IWF) Գրան Պրի երկրորդ մրցաշարին: 100 երկրների 400 ծանրորդներ կայաքարեն նաեւ 2024թ. Փարիզի օլիմպիական խաղերի վարկանիշային միավորների համար: Կանանց Հայաստանի թիմում Արտաշես Ներսիսյանն ընդգրկել է Ալեքսանդր Գրիգորյանին (59 կգ), Տաթև Հակոբյանին, Լիանա Գյուրջյանին (երկուսն էլ՝ 81 կգ) եւ Հիլիսիմե Խուրշուդյանին (87 կգ), հաղորդում է ՀԱՕԿ-ի կայքը (armnoc.am): Փաշիկ Ալավերդյանի գլխավորությամբ տղամարդկանց թիմում հանդես կգան Անդրանիկ Կարապետյանը (89 կգ), Դավիթ Հովհաննիսյանը (96 կգ), Գարիկ Կարապետյանը, Սամվել Գասպարյանը (երկուսն էլ՝ 102 կգ), Վարազդատ Լալայանը, Սիմոն Մարտիրոսյանը (երկուսն էլ՝ +109 կգ):

«ՀԱՅԱՍՏԱՆ-1»

ԿԱՊ ԵՆ ՀԱՍՏԱՏԵԼ ՏԻԵԶԵՐՔ

«Բազում» սիեգերական հեռուստաթյունների լաբորատորիայի աշխատակիցներին հաջողվել է կառուցել հաստատված դեկտեմբերի 1-ին SpaceX ընկերության Falcon 9 հրթիռով սիեգեր արձակված հայկական արտադրության «Հայաստան-1» արբանյակի հեռուստաթյունը, որն արդեն աշխատանքային վիճակում է:

«Ուրախ ենք տեղեկացնել, որ մենք հաջողությամբ հետեւում ենք մեր «Հայաստան-1» քյուբսաթ ձեռնարկի արբանյակին: Այն աշխատանքային վիճակում է եւ փոխանցում է իր պարբերական ազդանշանները: Հաջորդ փուլում մենք կշարժվենք առաջ, ինչպես նախատեսել ենք:

Շնորհավորում ենք թիմին եւ մեր բոլոր աջակիցներին»,- ասվում է «Բազում» սիեգերական հեռուստաթյունների լաբորատորիայի ֆեյսբուքյան էջում: «Հայաստան-1» արբանյակը ստեղծվել է «Բազում» սիեգերական հեռուստաթյունների լաբորատորիայի եւ Գիտական նորարարության եւ կրթության կենտրոնի կողմից: Այն հայկական երկրորդ արբանյակն է, որն արձակվել է սիեգեր, սակայն առաջինն է, որը մշակվել ու ստեղծվել է հայ մասնագետների կողմից Հայաստանում: «Հայաստան-1» արբանյակը զինված է նրա տարբեր կողմերի վրա ընկնող լույսի ինտենսիվությունը չափող տվիչներով,

արբանյակի համար կողմնացույցի դեր կատարող մագնիսաչափերով, արբանյակի պտույտները մարող մագնիսադարձիչներով, տարբեր մոդուլների առավել կրիտիկական մասերի ջերմաստիճանները չափող տվիչներով, ինչպես նաեւ կողմնորոշման փոփոխությունները չափող ինտեգրոն տվիչներով: Արբանյակն ունի երկրորդային օգտակար բեռ, որի չափումների շնորհիվ տվյալներ են ստացվելու արբանյակի պտույտների, դիրքի եւ շարժման վերաբերյալ: Այն կազմված է GPS ընդունիչից՝ իր ալեհավաքներով հանդերձ, եւ Հայաստանում մշակված ու ստեղծված փորձնական ինտեգրոն չափիչ սարքից (IMU):

● Դեկտեմբերի 4-ին Սոս Սարգսյանի անվան Համազգային թատրոնում տեղի կունենա «Լյու-Բյոֆ» ներկայացումը: Տոմսերի արժեքը՝ 1500-2500 դրամ: Սկիզբը՝ ժամը 19:00-ին:



Էջը՝ ՄԱՐԻԱՍ ՂԱԶԱՐՅԱՆԻ

ՍԵՓԱԿԱՆԱՇՆՈՐՅՈՒՄ

ՀԱՐՑ. Ի՞նչ փաստաթղթեր են անհրաժեշտ բնակելի սարածֆնտրի սեփականաձևորհման համար:
Մովսես Գրիգորյան (43 տարեկան)



ՊԱՏԱՍԽԱՆ. Հանրակացարանային բնակելի տարածքները սեփականաշնորհվում են՝ տվյալ հանրակացարանը տնօրինող վերադաս կառավարման մարմին 1988-1992 թվականներին Ադրբեջանի Հանրապետությունից բռնագաղթած եւ Հայաստանի Հանրապետության քաղաքացիություն ստացած անձի կողմից ներկայացված դիմումի հիման վրա, նրա հետ բնակվող ընտանիքի չափահաս անդամների գրավոր համաձայնության ամկայության դեպքում:

Պետական գույքի կառավարման կոմիտե

«ԺՈՂՈՎՈՒՐԳ». Դիմումին կից ներկայացվում են իրավասու մարմինների կողմից տրված՝ անձի՝ 1988-1992 թվականներին Ադրբեջանի Հանրապետությունից բռնագաղթելու եւ Հայաստանի Հանրապետության քաղաքացիություն ստանալու փաստը եւ զբաղեցրած հանրակացարանային բնակելի տարածքում անձի՝ 3 տարվանից ավելի բնակվելու փաստը հաստատող տեղեկանքներ:

ՕՂԱՆԱԿԱԿԱՅԱՆ

ՀԱՐՑ. Մոդյո «Չվարթնոց» օդանավակայանում գործո՞ւմ է ուղեբեռի դահասենյակ:
Հովսեփ Աղաբաբյան (35 տարեկան)



ՊԱՏԱՍԽԱՆ. «Չվարթնոց» միջազգային օդանավակայանում գործում է ուղեբեռի պահասենյակ, որը գտնվում է Ժամանան սրահի հանրային գոտում:

«Չվարթնոց» օդանավակայան

«ԺՈՂՈՎՈՒՐԳ». 1 կտոր ուղեբեռի՝ մինչեւ 24 Ժ. պահելու վճարը 3000 դրամ է:

ԼՈՒՐ ԿԱԴՐ

Լուսանկարն արվել է Երեւանում



Երեկ ԱԺ-ի շենքի մոտ տեղի է ունեցել «Հայաթվե» նախաձեռնության կողմնակիցների բողոքի ցույցը: Նրանք պահանջում էին Ազգային ժողովից ընդունել Արցախի հանձնումը քրեականացնող օրինագիծ, որն այս պահին քննարկվում է Պետական-իրավական հարցերի մշտական հանձնաժողովում:

ԲԱԺՆՈՐԴԱԳՐՈՒԹՅՈՒՆ

Մեր թերթը
Բաժանորդագրվելու
համար կարող եք դիմել

«Հայմամուկ» ՓԲԸ
հեռ. 45-82-00, 45-19-11

«Հայկոստ» ՊՓԲԸ
հեռ. 51-45-46, 51-45-47

«Բլից-Մեդիա» ՍՊԸ
հեռ. 52-5301

Առաքումը՝ **ԱՆՎՃԱՐ**:



Ձեզ հետաքրքրող ցանկացած հարցով կարող եք դիմել «Ժողովուրդ» օրաթերթի խմբագրություն (010 54-64-23 հեռախոսահամարով), եւ մենք անպայման կանդրադարձանք ձեր բարձրացրած բոլոր խնդիրներին:

ԱՌԱՋԱՐԿ
հայկական տպագիր մամուլից


«Ժողովուրդ» օրաթերթին բաժանորդագրվելու համար կարող եք լրացնել հետևյալ բլանկը եւ ուղարկել նշված հասցեով: Ամեն օր թերթը կհասնի ձեր նախընտրելի վայր:

Բաժանորդագրության բլանկ

Անուն՝ _____
Ազգանուն՝ _____
Առաքման հասցե՝ _____
Բջջային եւ/կամ քաղաքային հեռախոս՝ _____

Հեռ.՝ (060) 490049
0023, Արշակունյաց 2, 5-րդ հարկ, 518ս.

ԵՂԱՆԱԿԻ ՏԵՍՈՒԹՅՈՒՆ



Շիրակ	0 - 5 +8 + 12	Արարատ	- 3 + 1 +12 + 14
Կոտայքի լեռներ	- 2 + 1 +8 + 11	Արմավիր	- 1 - 4 +12 + 14
Կոտայքի նախալեռներ	- 1 + 1 +11 + 14	Վայոց ձորի լեռներ	- 2 + 1 +9 + 11
Գեղարքունիք	0 + 4 + 7 + 11	Վայոց ձորի նախալեռներ	- 2 + 1 +12 + 13
Լոռի	+ 4 + 8 +15 + 18	Սյունիքի հովիտներ	+ 8 + 12 +20 + 25
Տավուշ	+ 7 + 12 +18 + 20	Սյունիքի նախալեռներ	+ 5 + 9 +16 + 20
Արագածոտնի լեռներ	- 1 - 5 + 8 + 11	ԼՂՀ	+ 2 + 6 +11 + 14
Արագածոտնի նախալեռներ	- 1 - 5 + 8 + 11	Երեւան	+ 2 + 4 +11 + 13

Լրատվական գործունեություն իրականացնող՝ «Ժողովուրդ թերթի խմբագրություն» ՍՊԸ Հասցեն՝ ք. Երեւան, Աբովյան 22՞/3, հեռ՝ 010 54-64-23 Պետական գրանցման վկայականի համարը՝ 03Ա089086 տրված է 24.11.2010 Ստորագրված է տպագրության 4.12.2023

Գլխավոր խմբագիր՝ **ՔՆԱՐ ՄԱՆՈՒԿՅԱՆ**

Տպագրված է «ԳԻՆԴ» տպարան ՍՊԸ հրատարակչությունում խմբագրություն հանձնված նյութերը չեն գրայնաչափում եւ չեն վերադարձվում, Գ նշանով նյութերը գովազդային հրապարակումներ են, որոնց համար խմբագրությունը պատասխանատվություն չի կրում:

«Ժողովուրդ» օրաթերթում հրապարակված նյութերը արտատպելիս կամ ընթացիկ մեջբերումներ անելիս պետք է պարտադիր գրառել հետևյալ նախադասությունը. «Շարունակությունը կարող էք կարդալ «Ժողովուրդ» օրաթերթի այսօրվա համարում»: